



JABATAN PERKHIDMATAN VETERINAR MALAYSIA

LAPORAN LIPUTAN MEDIA

AHAD, 18 JULAI 2021

1	'Enough cattle for Aidiladha despite Thai import halt'
2	Penternak mohon kelonggaran korban
3	Tempahan haiwan korban merosot teruk
4	17,000 lembu, kerbau berisiko LSD

OLEH

SEKSYEN KOMUNIKASI KORPORAT

JABATAN PERKHIDMATAN VETERINAR MALAYSIA

'PRICES UNDER CONTROL'

'Enough cattle for Aidiladha despite Thai import halt'

JASIN: There is enough livestock supply to meet the demand for Hari Raya Aidiladha even though import of cattle from Thailand has been suspended.

Deputy Agriculture and Food Industries Minister I Datuk Seri Ahmad Hamzah said the import of cattle from Thailand had been halted since the beginning of last month due to the transmission of lumpy skin disease.

He said prices for live cattle were under control at RM5,000 to RM5,500 per head, according to

the ruminant livestock total costs.

"Together with the Veterinary Services Department, we have inspected and monitored farms nationwide and although the self-sufficiency level of beef is about 20 per cent, we import a lot for domestic needs," he said after distributing MAFI Prihatin aid to 426 recipients in Simpang Bekoh here yesterday.

On the MAFI Prihatin aid programme, Ahmad said 1.5 tonnes of fruit and vegetables, such as banana, eggplant, round cabbage

and green mustard, had been distributed.

He said up to Thursday, 23,977 people working at the frontline, welfare bodies and non-governmental organisations at 104 locations nationwide have benefited from the 41.7 tonnes of food distributed under the programme.

"Through the programme, we are able to help farmers sell surplus agricultural produce and ease the burden of those affected by the Covid-19 pandemic," he said. **Bernama**



MAARIF Maarof memberikan makanan kepada lembu ketika ditemui pemberita di ladang ternakannya di Mambau, Seremban semalam. - MINGGUAN/MOHD. SHAHJEHAN MAAMIN

Tanggung kerugian besar, peserta batal tempahan

Penternak mohon kelonggaran korban

Oleh **BADRUL HAFIZAN MAT ISA** dan **ZAKKINA WATI AHMAD TARMIZI**
badrul.sa@mediamuka.com.my

SEREMBAN: Golongan penternak di Negeri Sembilan meminta supaya pihak berwajib memberikan kelonggaran supaya ibadat korban dapat dilakukan di ladang-ladang ternakan yang diusahakan mereka.

Ini bagi membolehkan mereka tidak rugi lebih teruk selepas ibadat korban diputuskan tidak dibenarkan di negeri ini bagi sambutan Aidiladha tahun ini.

Seorang penternak lembu dan kambing, Maarif Maarof, 64, berkata, sekiranya kelonggaran itu diberikan, golongan penternak bersedia untuk melaksanakan aktiviti korban dari

ngan prosedur operasi standard (SOP) yang ketat termasuk dengan jumlah kehadiran petugas yang minimum di ladang.

"Pihak berkuasa tidak mahu orang ramai berkumpul ketika melaksanakan ibadat korban, jadi kalau buat di ladang kami yakin SOP dapat diikuti, kami juga tidak akan benarkan orang awam datang ke sini secara beramai-ramai.

"Apa yang yang penting adalah kita dapat jaga penjarakan fizikal. Bagi seekor lembu, ia boleh diuruskan dengan minimum enam orang petugas sahaja termasuk untuk proses melapah dan membungkus. Jika alasan proses pengagihan daging korban itu nanti boleh menyebabkan penyebaran jangkitan, apa bezanya dengan program sumbangan makanan

yang banyak dilakukan ketika ini?" katanya.

Dia yang juga Ahli Jawatankuasa Persatuan Usahawan Ruminan Negeri Sembilan (PURNS) berkata demikian kepada pemberita ketika ditemui di ladang ternakannya di Mambau dekat sini, semalam.

Jabatan Mufti Kerajaan Negeri, Negeri Sembilan dalam kenyataannya semalam memaklumkan ibadat korban di seluruh negeri ini pada tahun ini adalah tidak dibenarkan selepas syor dan nasihat daripada Jawatankuasa Pengurusan Bencana Covid Negeri Sembilan dan MKN.

Ketetapan tersebut diambil sebagai menyahut nasihat kerajaan agar semua bentuk aktiviti berkumpul dikawal bagi mengekang penularan pandemik Covid-19 ini.

Tempahan haiwan korban merosot teruk

BAGAN DATUK: Penternak lembu dan kambing di sini reda dengan jualan haiwan ternakan untuk ibadah korban pada Hari Raya Aidiladha kali ini yang merosot teruk disebabkan Perintah Kawalan Pergerakan (PKP) berikutan wabak Covid-19.

Seorang penternak di Kampung Parit 11, Sungai Sumun di sini, Jam Jam Hassan, 57, berkata, setakat ini hanya dia hanya menerima tempahan empat ekor kerbau dan enam ekor kambing untuk ibadah korban kali ini.

Menurutnya, jumlah tempahan itu jauh lebih rendah berbanding menjelang Hari Raya Aidiladha sebelum ini.

Katanya, dia tidak menyangka menerima tempahan begitu rendah iaitu paling rendah sepanjang 22 tahun menceburi bidang penternakan.

"Daripada 32 ekor lembu yang saya ternak, hanya empat ekor yang dibeli manakala kambing pula hanya terjual enam ekor daripada 50 ekor keseluruhan, keadaan ini tentu saja mengecewakan saya.

"Sebelum (PKP), tempahan untuk ibadah korban tidaklah serendah ini malah lazimnya tiga bulan sebelum Aidiladha, sudah ada yang membuat tempahan tapi kali ini keadaannya jauh berbeza," katanya ketika ditemui *Mingguan Malaysia* di sini semalam.

Menurutnya, di kawasan ini terdapat kira-kira 10 penternak lembu, kerbau dan kambing yang sudah dikenali dalam kalangan pelanggan yang membeli ternakan untuk pelbagai majlis dan ibadah korban.

Katanya, sebelum ini biasanya pada ketika ini, penternak di sini sibuk menghantar tempahan ternakan korban kepada pelanggan menjelang Aidiladha tidak lama lagi.

"Namun kali ini suasana sibuk sebegitu sudah tiada lagi, kami penternak di sini kecewa," katanya.

Menurutnya, tempahan jatuh merosot disebabkan orang ramai takut untuk keluar dan mengadakan aktiviti berkumpul semasa melakukan sembelihan korban disebabkan PKP.



SEORANG penternak menaikkan lembu tempahan ke atas kenderaan untuk dihantar kepada pelanggan ketika ditinjau oleh team Aina di Bagan Datuk, Perak, semalam. - MINGGUAN/AIN SAFRE BIDIN

TARIKH	MEDIA	RUANGAN	MUKA SURAT
18.7.2021	METRO AHAD	LOKAL	13

17,000 lembu, kerbau berisiko LSD

Alor Setar: Jabatan Perkhidmatan Veterinar (JPV) Kedah menjangkakan kira-kira 17,000 lembu dan kerbau ternakan di negeri ini berisiko dijangkiti penyakit kulit kental berbonjol (LSD) dengan kadar kematian kurang daripada tiga peratus.

Pengarahnya, Dr Shaharul Akmar Talib berkata, sekiranya tidak dikawal kerugian secara keseluruhan akibat kematian ternakan dianggarkan sebanyak RM1.29 juta.

"Selain itu, kerugian juga boleh dialami disebabkan

lembu menjadi tidak sihat dan kurus, kekurangan pengeluaran bagi lembu tenusu, kerosakan pada daging yang menyebabkan tidak boleh dijual dan juga kerosakan kulit ternakan.

"Di seluruh Kedah jumlah ternakan lembu dan kerbau adalah kira-kira 57,500 ekor daripada 5,000 penternak," katanya dalam satu kenyataan di sini, semalam.

Katanya, sebanyak 7,046 ternakan daripada 263 premis di negeri ini sudah diperiksa oleh Jabatan Veterinar.